

Kirsty Williams AC

Ysgrifennydd y Cabinet dros Addysg

24 Gorffennaf 2017

Annwyl Kirsty,

Memorandwm Cydsyniad Deddfwriaethol: y Bil Arweiniad a Hawliadau Ariannol

Cafodd y Memorandwm Cydsyniad Deddfwriaethol ar Fil Arweiniad a Hawliadau Ariannol Llywodraeth y DU - a osodwyd gan Ysgrifennydd y Cabinet dros Gymunedau a Phlant, Carl Sargeant AC - ei gyfeirio gan y Pwyllgor Busnes at y Pwyllgor Plant, Pobl Ifanc ac Addysg a'r Pwyllgor Cydraddoldeb, Llywodraeth Leol a Chymunedau yn gynharach y mis hwn er mwyn iddynt ei drafod.

Cynhaliodd y Pwyllgor Plant, Pobl Ifanc ac Addysg drafodaeth gychwynnol ar y Memorandwm Cydsyniad Deddfwriaethol ar 20 Gorffennaf gan ganolbwyntio ar y meysydd hynny sy'n berthnasol i'w gylch gorchwyl - darparu addysg ariannol i blant a phobl ifanc.

Er mwyn cael gwybodaeth ar gyfer ei adroddiad, mae'r Pwyllgor Plant, Pobl Ifanc ac Addysg wedi ysgrifennu at Ysgrifennydd y Cabinet dros Gymunedau a Phlant yn gofyn am ragor o wybodaeth am y pwyntiau a ganlyn:

- y rhesymau pam y mae Llywodraeth Cymru o'r farn ei bod yn briodol i'r Corff Arweiniad Ariannol Sengl, yn hytrach na chorff / sefydliad Cymreig priodol, i fod yn gyfrifol am greu strategaeth i wella darpariaeth addysg ariannol i blant a phobl ifanc yng Nghymru;
- sut y mae Llywodraeth Cymru yn rhagweld y bydd yn gweithio'n ymarferol gyda'r Corff Canllawiau Ariannol Sengl mewn perthynas â darparu addysg ariannol i blant a phobl ifanc Cymru.


Gan fod y pwyntiau uchod yn ymwneud yn uniongyrchol â'ch portffolio chi, byddai'r Pwyllgor yn falch o gael ymateb gennych erbyn **25 Awst 2017**.



Byddai hefyd yn croesawu'ch barn am y modd y byddai'r strategaeth ar gyfer y DU gyfan yn cyd-fynd â'r gwaith o ddatblygu Cwricwlwm newydd Cymru ac, yn benodol, dymuniad y Llywodraeth i osgoi ei ddiwygio bob yn dipyn. Byddai'r Pwyllgor hefyd yn ddiolchgar pe gallech ddweud beth sy'n hysbys ar hyn o bryd am y modd y caiff addysg ariannol ei darparu o dan Gwricwlwm Newydd Cymru.

Rwyf wedi anfon copi o'r llythyr hwn at Ysgrifennydd y Cabinet dros Gymunedau Phlant a Chadeirydd y Pwyllgor Cydraddoldeb, Llywodraeth Leol a Chymunedau o ystyried eu diddordeb nhw yn y Memorandwm Cydsyniad Deddfwriaethol.

Yn gywir



Lynne Neagle AC
Cadeirydd

